

UGOVOR O JAVNOJ NABAVCI I ISPORUCI

Lot-3 – Jedne pametne table sa video projektorom-u okviru projekta „Uspostava modela inovativnog business startup centra za početnike u biznisu sa područja Kantona Sarajevo“

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: Ugovorni organ) **i**
2. **EA SERVIS d.o.o. Sarajevo**, Ismeta Alajbegovića Šerbe br. 30, Sarajevo, kojeg zastupa direktor Almir Džaferović, (u daljem tekstu: Dobavljač)

I PREDMET UGOVORA

Član 1.

Predmet ovoga Ugovora je nabavka i isporuka roba „Osnovna informatičke opreme i alata Lot-3- jedne pametne table sa video projektorom SMART board 480, za potrebe SERDA d.o.o. Sarajevo, projekta „Uspostava modela inovativnog business startup centra za početnike u biznisu sa područja Kantona Sarajevo“, u Konkurentskom postupku, a prema Ponudi ponuđača br: 21-03/20A1 od 23.03.2020. godine.

II CIJENA

Član 2.

Multifunkcionalni printer, koji je predmet ovog Ugovora će se isporučiti Ugovornom organu, po fiksnoj cijeni koja je data u ponudi Dobavljača.

Cijena ponude bez PDV-a iznosi 2.990,00 KM (slovima: dvojehiljadedevetstotinadevedeset KM), a cijena ponude sa PDV-om je 3.498,30 KM (slovima: trihiljadečetiristotinedevadesetosam i 30/100 KM).

III NAČIN PLAĆANJA

Član 3.

Plaćanje za robe iz člana 1. ovog Ugovora će se izvršiti na sljedeći način:

- plaćanje putem poslovne banke na račun broj 1401051120033229 otvoren kod SBERBANK BH,
- rok plaćanja je 15 dana od dana ispostavljene fakture.

IV ROK ISPORUKE

Član 4.

Dobavljač se obavezuje da robu iz člana 1. isporuči u roku od najduže 15 dana od zaključivanja ugovora od obiju strana.

V OBAVEZE UGOVORNOG ORGANA

Član 5.

Ugovorni organ se obavezuje da:

- izvrši obavezu iz člana 3. ovog Ugovora

VI OBAVEZE DOBAVLJAČA

Član 6.

Dobavljač se obavezuje da:

- izvrši obavezu iz člana 4. ovog Ugovora,
- isporuči kopir mašinu/printer traženog kvaliteta
- ispostavi fakturu za isporučenu robu
- dostavi garanciju na isporučenu robu u skladu sa prihvaćenom Ponudom broj: 21-03/20A1.

Član 7.

Za ugovorenu robu iz tačke 1. ovog Ugovora Dobavljač daje garanciju na kvalitet i funkcionalnost u trajanju od 24 mjeseca od dana isporuke.

Garancija za isporučenu robu obuhvata sve kvarove nastale usljed grešaka u proizvodnji i materijalu.

Dobavljač će u toku garantnog perioda održavati isporučenu robu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti komponentu ili neispravni dio isporučene robe.

Garancija se ne priznaje u slučaju kada je do kvara na opremi došlo usljed:

- više sile (poplava, požar i sl.),
- mehanički udar ili oštećenje.

VII PRIMOPREDAJA

Član 8.

Primopredaja pametne table sa video projektorom, vrši se potpisom otpremnice, a ista se potpisuje nakon kvalitativnog i kvantitativnog prijema robe i opreme, koju će izvršiti predstavnik Ugovornog organa.

Ukoliko se pregledom utvrdi da kvalitet ponudene pametne table sa video projektorom, ne odgovara traženom i ponudom utvrđenom kvalitetu (brend name oprema) i kvantitetu, Ugovorni organ zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu Dobavljača.

Član 9.

Dobavljač nema pravo zapošljavanja, u svrhu izvršenja ugovora o nabavci, fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, šest mjeseci po zaključenju ugovora.

VIII PENALI

Član 10.

Za svaki dan zakašnjenja Dobavljač se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

IX VIŠA SILA

Član 11.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

X OSTALE ODREDBE

Član 12.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 13.

Ovaj ugovor stupa na snagu kada ga potpišu obje ugovorne strane. Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 14.


Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

ZA DOBAVLJAČA
DIREKTOR

Almir Džaferović


Broj: 021-0411
Dana, 21.04.2020.

ZA UGOVORNI ORGAN
DIREKTOR

dr. Ševkija Okerić

Broj: UG-82/20
Dana, 23.04.2020.